

之誠無要功於歲時之近等視世間萬事  
 宜嘗所謂難者耶故太行王屋二山峙冀  
 州之南跨河陽之北方七百里其崇萬仞  
 可謂高且大矣然未離形數可得而平焉  
 此山愚公者年且九十面山而居慙山此  
 之塞出入之迂也於是聚族合謀畢力平  
 除荷箕畚運土石投諸隱土之北置諸渤  
 海之尾所以去之可謂速矣許之者有雜  
 然之衆助之者有殆亂之男獻其疑者有  
 所弗聽笑而止者有所弗顧以無窮匱之  
 子孫平不加增之土石所以持之可謂久  
 矣彼其不已若是其平也懼操蛇之神威  
 夸蛾之子力負二山之險悍無隴斷之登  
 嗚呼愚而復智之極也是其所以為愚公  
 者與

冲虛至德真經四解卷之十二

冲虛至德真經四解卷之十三 德二

湯問

夸父不量力欲追日影逐之於隅谷之際  
 隅谷者虞淵也日所入  
 渴欲得飲赴飲河渭河涸不足將走此飲大

澤未至道渴而死棄其杖尸膏肉所浸生鄧  
 林鄧林彌廣數千里焉  
 山海經云夸父死棄其杖而為鄧林

虛曰夫人一至以術道則去有以契真若  
 將待能以求勝則步影而不及及其契真  
 也則形盡平焉及其道末也則喪生以見

跡跡之著也鄧林所以生真之契也立隴  
 所以平也  
 政和變化推遷莫知其極鄭人之為秋栢

夸父之生鄧林其有機絨而不得已者耶  
 范曰傳稱夸父死棄其杖而為鄧林此所

謂夸父是也逐日於隅谷之際赴飲於河  
 渭之間卒焉此走大澤未至而死豈非以  
 太自累而不量其力者耶

大禹曰六合之間四海之內照之以日月經

之以星辰紀之以四時要之大歲神靈所生  
 其物異形或夭或壽唯聖人能通其道

聖人順天地之道因萬物之性任其所適  
 通其逆順使羣異各得其方壽夭咸得盡  
 其分也

政和日月有明故曰照星辰成列故曰經  
 四時有序故曰紀太歲總焉故曰要神靈  
 所生言天地之所生蓋天神而地靈也其  
 物異形或夭或壽聖人遊乎萬物之所終

始而通物之所造故曰唯聖人能通其道  
 夏華曰然則亦有不待神靈而生不待陰陽  
 而形不待日月而明

夫生者自生形者自形明者自明忽然自  
 爾固無所因假也  
 不待殺戮而夭不待將迎而壽

自天者不由禍害自壽者不由接養  
 不待五穀而食不待繒纈而衣不待舟車而  
 行其道自然

自然者都無所假也  
 非聖人之所通也

聖人不違自然而萬物自運豈樂通物哉  
自此章以上皆夏華所告殷湯也

盧曰夫形動之物各有所宜聖人能順其  
生以通其道也然則神識至靈更無所待  
非羣有之所資育蓋獨運之自然豈聖人  
所能通哉

政和六合之外聖人存而不論豈物物而  
通之哉其無待而然者耶鳥誠所以然任  
其自然付之自爾蓋樂通物非聖人也  
范曰大禹所言則止於有極盡之間夏華

所言則造乎無極盡之外故或曰唯聖人  
能通其道或曰非聖人所通緊而論之若  
物之外若物之內鳥觀其所以異哉  
禹之治水土也迷而失塗謬之一國

游絕垠之外者非用心之所逮故寄言迷  
謬耳  
濱此海之北不知距齊州幾千萬里也至其  
國名曰終北

盧曰終北者言其極幽極微玄默之地  
不知際畔之所齊限無風雨霜露不生鳥獸

蟲魚草木之類四方悉平周以喬陟山峻也

盧曰玄默之境無有際畔風雨鳥獸羣動  
所不至也其中坦然至平而已矣喬陟者  
形器之礙

富國之中有山山名壺領狀若觥音音頂  
有口狀若負環名曰漱穴有水湧出名曰神  
瀆山頂之瀆泉曰瀆臭過蘭椒味過醪醴

盧曰山中喻心水為慧用蓋神所瀆出者  
一源分為四埒注於山下山上林經營一國  
無不悉徧

盧曰通乎四支徧乎百體以周形器  
土氣和亡札厲人性婉而從物不競不爭柔  
心而弱骨不驕不忌長幼僭居不君不臣男  
女雜游不媒不聘緣水而居不耕不稼土氣  
溫適不織不衣百年而死不夫不病其民享  
阜亡數有喜樂亡衰老哀苦

盧曰百骸九竅應事而用不爭不競不相  
矜誇含陰含陽隨運而用其道至柔不水  
不食衰老所不逆天壽所不拘上士勤之  
則至其國矣

其俗好聲相謗而迭誑終日不輟音饑倦則  
飲神瀆力志和平過則醉經旬乃醒沐浴神  
瀆膚色脂澤者氣經旬乃歇

盧曰人以氣為生故曰好聲也出入之息  
故云不輟飲食真慧無雜思故云醉也覺  
慮起又沐其中故云澤香

政和謬之一國以明非聖人之所通也不  
知際畔之所齊限則六合之內有不可窮  
者也易曰陰陽不測之謂神在天之時無  
風雨霜露在地之氣無鳥獸草木其民飲  
神瀆而沐浴焉則能已饑倦而澤膚色可  
以養生可以盡年謂之神瀆是其所以為  
不可測也

周穆王北游過其國三年志歸既反周室慕  
其國慨然自失不進酒肉不召嬪御者數月  
乃復

盧曰周穆王亦曾至其國矣不能常止其  
地故云乃復焉

范曰奴氏治水土其跡之所及者速而殊  
厥異域有非足跡之所可至者故寄言迷

謬也濱北海之址不知距齊州幾千萬里其去人也遠矣其國名曰終北則造乎歸根復命之地不知際畔之所齊限則游乎廣漠無極之野無風雨露則陰陽之氣有所不交不生鳥獸蟲魚草木則散殊之類有所不育四方悉平則夷而未嘗改也周以齊陝則高而不可踰也國之中有山山之頂有口有水湧出名曰神濟則傳所謂大出尾下者是已一源分為四埒注於山下則傳所謂山下有水者是已經營一國無不悉備則言其周流汎應而善利萬物也夫然故土無札傷物無疵癘婉而從者無競爭之心柔而靜者無驕忌之行不君不臣無長幼之序不媒不聘無男女之別緣水而居不待五穀而食土氣溫適不待繒纈而衣躋仁壽之域無大傷之苦飲神瀟而力志和平則疏倫心智蓋若飲之以和浴神瀟而膚色脂澤則除塵垢垢蓋若洗之以善周穆王北游過其國三年忘歸既反周室慕其國慨然自失數月乃復

是又造道未至者如此  
管仲勉齊桓公因游遠口俱之其國幾魁舉  
盧曰管仲能說其處也故云游遠口欲往而不能得至故曰幾魁舉也  
隰朋諫曰君舍齊國之廣人民之衆山川之觀殖物之阜禮義之盛章服之美效靡益庶忠良滿朝肆唯則徒卒百萬作此視搗則諸侯從命作此視亦奚戾於彼而棄齊國之社稷從戎夷之國乎此仲父之耄索何從之  
盧曰夫俗之君子心所言者正在於人民禮義章服聲色是尊貴稱情也  
桓公乃止以隰朋之言告管仲仲曰此固非朋之所及也  
朋之知極於齊國且知彼國之巨偉故管仲拔之也  
臣恐彼國之不可知之也齊國之富異隰朋之言異顯  
此國自不可得生耳豈以朋之言故止也  
盧曰隰朋之所及者不達於此耳夷吾云以我之所聞但恐不得如所傳耳故云恐

不可知之也所審如所傳說往而能到者則世俗聲色富貴何足戀禮義忠良何足顧哉  
政和道惡乎往而不存故在無者亦道也在有者亦道也解心釋形則蔽無廢有勞形休心則徇有棄無聖人之於道一有一無微妙並觀乃無不然則戀國之富者固不足以知道而舍夫種種之民慕夫不可測之國者亦豈足以得道哉穆王之意管仲隰朋之言皆未為得也  
范曰隰朋之為人也上忘而下不畔愧不若黃帝而衷不已若者其於國有不聞其於家有不見仲父固嘗以是為可以屬國哉然其智適可以治齊而已故終北之游遂以為非而諫之是篇所論若大禹則深造乎道者若穆王則濫而反者若桓公是直望道而未之見者耳  
南國之人披髮而裸勅止國之人鞞巾而裘中國之人冠冕而裳九土所資或農或商或田或漁如冬裘夏葛水舟陸車然而得之性

而成之

夫方土所貨自然而能故吳越之用舟燕  
朔之乘馬得之於水陸之宜不假學於賢  
智慎到曰治水者決防決塞雖在夷貊相  
似如一學之於水不學之於馬也

政和南方之氣熱故被髮而裸與書島夷  
卉服之義同也此方之氣寒故鞞巾而裘  
與書島夷皮服之事同也中國謂之夏則  
文明盛大故冠冕而裳治辨而禮具九土  
所貨農商田漁冬裘夏葛一人之身百工  
之所為備然皆然而得之性而成之特異  
宜而已

范曰南國之被髮北國之鞞巾中國之冠  
冕習俗之不同也九土所貨或農或商或  
田或漁智能之不同也冬裘夏葛服各異  
宜水舟陸車器各異用蓋有自然而不可  
易者孰知其所以然哉然而得之性而成  
之而已

越之東有輶休休之國其長子生則鮮而食  
之謂之宜弟其大父死負其大母而棄之曰

鬼妻不可與同居處楚之南有炎人之國其  
親戚死朽其肉而棄之然後埋其骨廼成爲  
孝子秦之西有儀渠之國者其親戚死聚  
柴積而焚之煉則烜上謂之登遐然後成爲  
孝子此上以爲政下以爲俗而未足爲異也  
此事亦見墨子

盧曰夫衆是則爲當衆習則爲常故至當  
至常人所不辨彼習俗者衆矣寧知其至  
理哉

政和越之東楚之南秦之西上無禮下無  
學然且行以爲政習以爲俗此亂倫者也  
不足爲教

范曰越之東楚之南秦之西皆遐陬異域  
不能相通故上之爲政下之爲俗有不可  
比而同者

孔子東游見兩小兒辯問其故一兒曰我  
以日始出時去人近而日中時遠也一兒以  
日初出遠而日中時近也一兒曰日初出大  
如車蓋及日中則如盤盂此不爲遠者小而  
近者大乎一兒曰日初出滄滄涼涼及其日

中如探湯此不爲近者熱而遠者涼乎孔子  
不能決也兩小兒笑曰孰謂汝多知乎  
所謂六合之外聖人存而不論二童子致  
笑未必不達此旨或互相起予也

盧曰聖人之生所貴明道達則兼濟天下  
窮則獨善其身獨善者養道以全真兼濟  
者設教以利物若進非全道退非利生一  
曲之辯聖人所以未嘗說也夫不決者非  
不知也世人但以問無不知爲多聖人以  
辨之無益而不辯若有理無理一皆辯之

則聖人無益之勞實亦多矣然則二童之  
爭也事亦可明何者日之初升光未遠人  
居光外見其大焉日之既中光備萬物人  
居光內見其質焉亦如遠望燭光更見其  
大近窺則始乃更以小焉物理則然辯之  
何益

范曰日出於東方而入於西極以體圓則  
未離乎形以圓一則未離乎數一墮於形  
數之域則或遠或近固得而測度然則孔  
子不能決者豈真弗能決哉是真存而不

論耳

均天下之至理也

物物事事皆平均則理無不至也

連於形物亦然

連屬也屬於器物者亦類平焉

均髮均髮輕重而髮絕髮不均也

髮甚微脆而至不絕者至均故也今所以

絕者猶輕重相傾有不均處也

均也其絕也

若其均也寧有絕理

莫絕也。人以為不然。理也。自有知其然者也。

者也

會自有知此理為然者。墨子亦有此說

盧曰天理之至者天下無不均不待均之

然後均也。有形之物亦然。當理則自均矣

猶如以髮懸重。雖微不絕。絕者不均。均則

不絕。世人以為不是。不知理之必然也

政和一陰一陽之謂道。仁者見之謂之仁

智者見之謂之智。赫赫乎日月之光。羣目

所見各有不同。故以形見之。則以為遠者

小而近者大。以氣見之。則以為近者熱而遠者涼。而所以為日固不可以遠近期也。范曰髮引千鈞勢至等也。義與此合。

詹何

詹何楚人以善釣聞於國

以獨爾絲為綸。芒鍼為鈞。荆條為竿。剖柱為餌。引盈車之魚。

家語曰鯉魚其大盈車

於百仞之淵。汨流之中。綸不絕。鈞不伸。竿不

撓

夫飾芳餌。挂微鈞。下沈青泥。上乘驚波。因

水勢而施。含頡頏。委縱與之。沈浮及其施

絕。故生而獲也

楚王聞而異之。召問其故。詹何曰。臣聞先大

夫之言。蒲且子之弋也

蒲且子古善弋射者

弱弓纖繳。乘風振之。連雙鶴於青雲之際。用

心專。動子均也。臣因其事。放而學。鈞五年始

盡其道。當臣之臨河。持竿。心無雜慮。唯魚之

念。投綸。沈鈞。手無輕重。物莫能亂。魚見臣之

鈞。餌。猶沈埃。聚沫。吞之不疑。所以能以弱制強。以輕致重也。大王治國。誠能若此。則天下可運於一握。將亦莫事哉。楚王曰善。

善其此論者以諷其用治國矣

盧曰夫聖人之理俗也。必審萬物之情。而

設教化以運之。則百姓日用而不知。靡然無不應。亦猶弱弓纖繳。乘風而振之。輕鈞

微餌。因波而運之。則不得不為我所制也。道者之養生。全真。含生。靡然以向化。則理

天下者亦由茲道焉

政和刑名而降大。則制小。強則制弱。道以

懦弱為表。以小而妙之。為玄。此物所以不

得避而皆存也。百仞之淵。其深可測。青雲

之際。其高可及。而道則覆載之者也。與道

同體。則守小樸。而萬物自賓。以細綸而引

盈車之魚。以弱弓而連雙鶴於青雲之際

其喻在此。聖人之治天下。如斯而已

范曰楚王問詹何之鈞。而知所以治國。黃

帝問童子之技。而知所以為天下。其理一

也

魯公扈趙齊嬰二人有疾同請扁鵲求治扁鵲治之既同愈謂公扈齊嬰曰汝囊之所疾自外而干府藏者固藥石之所已今有偕生之疾與體偕長今為汝攻之何如二人曰願先聞其驗扁鵲謂公扈曰汝志強而氣弱故足於謀而寡於斷

志謂心智氣謂質性智多故多慮性弱故少決也

齊嬰志弱而氣強故少於慮而傷於專

智少而任性則果敢而自用

若換汝之心則均於善矣扁鵲飲二人毒酒迷死三日剖胷探心易而置之投以神藥既悟如初二人辭歸於是公扈反齊嬰之室而有其妻子妻子弗識齊嬰亦反公扈之室而有其妻子妻子亦弗識

二子易心乘其本識故各反其家各非故形故妻子不識也

二室因相與訟求辯於扁鵲扁鵲辯其所由訟乃已

此言恢誕乃書記少有然觀世華他能創

賜易胃漸洗五藏天下理自有不可思議者信亦不可以臆斷故宜存而不論也

盧曰夫形體者無知之物也神識者有知之主也守乎本則真全而合道滯乎質則失性而徇情俗人徒見形之有憎愛不知神之為主宰也今言易其心而各有妻子者明心為情主形實無知耳所以道者貴乎養神也

政和形失其平為疾性失其平亦為疾治形之疾藥石攻之治性之疾則有道術存焉志氣之帥也氣體之充也志主謀慮氣主果斷一失其平強弱相反故志強而氣弱者足於謀而寡於斷志弱而氣強者少於慮而傷於專心者五官之主也易其心使強弱適乎是以無疾妙物之謂神技以藥妙物深矣聖人以神道妙天下舉平與陂通而為一何以異於是

范曰孟子曰志至焉氣次焉又曰持其志無暴其氣志者心之所之也氣者志之所役也一有或偏則性失其平而為疾矣故

志譬則帥也氣譬則衆也志強而氣弱雖有帥而莫為之用其失也疑而不決志弱而氣強則雖有衆而莫為之至其失也果而自用儻不為之發藥又烏足以化其心易其慮而庶幾其有瘳乎嘗觀魏世華佗有剗腸易胃漸洗五藏之術則是篇所言亦無足怪

瓠巴鼓琴而鳥舞魚躍

瓠巴古之善鼓琴人也

鄭師文聞之

師文鄭國樂師

棄家從師襄游

師襄亦古之善琴人也從其游學

柱指鈞弦三年不成章

安指調弦三年不能成曲

師襄曰子可以歸矣難其師文舍其琴歎曰

文非弦之不能鈞非章之不能成文所存者

不在弦所志者不在聲

遺聲聲然後能盡弦聲之用也

內不得於心外不應於器故不敢發手而動

弦

心手器三者互應不相違失而後和音發矣

盧曰人知以形習聲不知辯聲運形者神也若心不應器雖成而不精若極聲之能

盡形之妙理須神契而心自得也

且小假之以觀其後無幾何復見師襄師襄曰子之琴何如師文曰得之矣請嘗試之

盧曰得於心應乎器然後習其聲以通乎神矣

於是當春而叩商弦以召南呂

商金音屬秋南呂八月律

涼風忽至草木成實

得秋氣故成熟

及秋而叩角弦以激夾鐘

角木音屬春夾鐘二月律

溫風徐迴草木發榮

得春氣故榮華明

當夏而叩羽弦以召黃鐘

水音屬冬黃鐘十一月律

霜雪交下川池暴涸

得冬氣故凝陰水凍

及冬而叩徵弦以激蕤賓

徵火音屬夏蕤賓五月律

陽光熾烈堅冰立散

得夏氣故消釋此一時彈琴無緣頓變四節蓋舉一時之驗則三時可知且欲并言

其所感之妙耳

將終命官而總四弦則景風翔慶雲浮甘露降醴泉湧至和師襄乃撫心高蹈曰微矣子

之彈也雖師曠之清角

師曠為晉平公奏清角一奏之時有白雲從西北起再奏之大風至而雨隨之三奏

之裂惟懷破俎豆飛廊瓦左右皆奔走平公恐伏晉國大旱赤地三年平公得聲者

或吉或凶也

鄉衍之吹律

此方有地美而寒不生五穀鄉子吹律煖之意而禾黍滋也

亡以加之彼將扶琴執管而從子之後耳

盧曰成性所行動然而應陰陽之數四時之序水火且不能焚溺况風雨寒燠之氣哉故易曰先天而天弗違況於人乎況於鬼神乎此之謂也謂之聲律而變者不四四時也

政和夫三樂者調理四時大和萬物而四時迭起萬物循生至其妙也二類相合兩者交通或謂之死或謂之生或謂之實或謂之榮行留散徙不主常聲故以聲感氣

隨感而應亦理之必至者耳春叩商弦以召南呂而秋氣應之秋叩角弦以激夾鐘

而春氣應之夏叩羽弦以召黃鐘而冬氣應之冬叩徵弦以激蕤賓而夏氣應之則

樂之感有至於易四時之序而奪造化之機者其妙若此至於總而調之則交通而

成和是以景風翔慶雲浮甘露降醴泉湧蓋通天下一氣耳聲合於氣其應也自然

而已鳥舞魚躍乃其餘事

范曰琴者君子常御之樂其制詳而音深其聲妙而功大始乎防心以自禁終乃出

其聲妙而功大始乎防心以自禁終乃出

器以入覺故聲作於跬步之間而感應乎太清之上昔者黃帝鼓清角之琴以大合鬼神而鳳凰蔽日堯鼓琴而天神格舜歌南風而天下化又豈直蘇巴之鳥舞魚躍而已哉然琴之制絲託於木其音乃發蓋火得木而有聲神因形而應世殆有不測之妙存乎其間苟拘拘然溺於形器之近蔽於聲音之末烏能樂得其道哉師文之學始也柱指而鈞弦終也含琴而興歎所存者不在弦所志者不在聲可謂得乎此矣夫然故叩弦召律四氣變移及命宮而總四弦景風翔慶雲浮甘露降醴泉湧其聲和而致祥若是彼師曠之清角奏之而風雨應柳衍之律煖之而禾黍滋詎能進此哉是宜師哀子為之撫心而高蹈也

薛譚學誰於秦青二人薛秦因之善歌者未窮青之技自謂盡之遂辭歸秦青弗止饒於郊衢撫節悲歌聲振林木響遏行雲薛譚乃謝求反終身不敢言歸秦青顧謂其友曰昔韓娥韓娥善歌也者東之齊置糧過雍門鬻歌假食既去而餘

音繞梁樞三日不絕左右以其人弗去過送旅逆旅人辱之韓娥因曼聲哀哭曼聲引也一里老幼悲愁垂涕相對三日不食遽而追之娥還復為曼聲長歌一里老幼喜躍抃舞弗能自禁忘向之悲也乃厚賂發之發猶也故雍門之人至今善歌哭效娥之遺聲

六國時有雍門子名周善琴又善哭以哭于孟常君

盧曰夫六根所用皆能獲通通則妙應無方非獨心識而已故魯公扈章直言心用孰巴以下乃從聲通焉

政和聲振林木響遏行雲則其出音之勁餘韻之遠而已曼聲歌哭而一里老幼或喜或悲則動傷人之精神變易人之思慮此其謳歌之造乎妙者也

范曰秦青之撫節振林木而遏行雲韓娥之曼聲變一里之老幼誠動於中而感應於外不得不然又况夫誠已而發者耶伯牙善鼓琴鍾子期善聽伯牙鼓琴志在登高山鐘子期曰善哉峨峨兮若泰山志在流

水鐘子期曰善哉洋洋兮若江河伯牙所念鐘子期必得之伯牙游於泰山之陰平逢暴雨止於巖下心悲乃援琴而鼓之初為霖雨之操更造崩山之音曲每奏鐘子期輒窮其趣伯牙乃含琴而歎曰善哉善哉子之聽夫志想象猶吾心也

言心開合與己無異吾於何逃聲哉

發音鍾子期已得其心則無處藏其聲也盧曰夫聲之所成因而感之心之所起聲則隨之所以五根皆通盡為識心所傳善於聽者聲咳猶知之况復聲成於文安可不辯耶

政和在心為志凡音之起由人心生也感於物而後動則心之所之可得而審矣然聽止於耳則知聲而不知音聽合於心則審音以知其意此子期聽所以造乎微也范曰道不可聞聞而非也則無聲之表固有聽之弗及者伯牙之所鼓子期之所聽未離乎形聲之間高山流水每奏而輒窮



其趣復何聲之可逃哉

冲虛至德真經四解卷之十三

冲虛至德真經四解卷之十四

德三

湯問

周穆王西巡狩越崑崙不至崑崙反還未及中國道有獻工人名偃師

中道有國獻此工巧之人也

穆王薦之為帝問曰若有何能偃師曰臣唯命所試然臣已有所造願王先觀之穆王曰

日以俱來日謂吾與若俱觀之

盧曰神用之妙豈唯赫哉色香滋味咸及其理矣故此章言刻象之盡微

越日偃師謁見王王薦之曰若與偕來者何人邪對曰臣之所造能倡者倡伴也穆王驚視

之趣步俯仰信人也巧夫領其頤則歌合律捧其手則舞應節千變萬化惟意所適王以為實人也與盛姬內御並觀之

穆天子傳云盛姬穆王之美人

技將終倡者聯其目而招王之左右侍妾王大怒立欲誅偃師偃師大懼立剖散倡者以示王皆傳會草木膠漆白黑丹青之所為王諦料之內則肝膽心肺脾胃腸胃外則筋骨

支節皮毛齒髮皆假物也而無不畢具者合會復如初見

如向者之始見王也

王試廢其心則口不能言廢其肝則目不能視廢其腎則足不能步

此皆以機關相使去其機關之主則不能相制御亦如人之五藏有病皆外應七孔與四支也

盧曰夫內肝膽心肺所以能外為視聽行步神識運之乃為生物耳苟無神則不能

用其五根矣今造化之生物亦何異於偃師之所造耶若使無神自同於草木神苟在也動用何足奇耶木人用偃師之神故宜類彼生物也神工造極化何遠哉

穆王始悅而歎曰人之巧乃可與造化者同功乎詔貳車載之以歸

近世人有言人靈因機關而生者何者造化之功至妙故萬品成育運動無方人藝蠢拙但寫載成形埋然而已至於巧極則幾乎造化似或依此言而生此說而此書